



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Seminarum.

urn:nbn:de:hbz:466:1-10421

SUCCESSOR.

PRIMO, successor, an teneatur stare colono, vide in *versio. alienatio*, §. 3. *concl.* 13. *Et in ver. Praeatus*, §. 4. & *Dyn. in cap. is qui*, num. 5. & ibi addit. in *litera C. de reg. jur. lib. 6.*

Secundò, an si succedat exceptioni excommunicationis, vel sit successio natus cedentis, vide *Dyn. loco citato*, num. 14. & ibi addit. *litera R.*

Tertio, successor in beneficio an teneat mala fides praedecessoris, & quid de haerede universali, vel particulari? vide *Dyn. & addit. in cap. 2. de reg. jur. lib. 6. Et in ver. praescriptio*, §. 3.

Quarto, quae differentia sit inter decessorem, praedecessorem, & antecessorem, dic, quòd decessor dicitur, qui proximè decessit; praedecessor, qui decessit ante proximum; antecessor, quid decessit multo tempore prius, vide *Gemin. in cap. quia ex eo, vers. quare qua differentia, de pact. lib. 6.* & deservit pro practica, quando Papa, vel jus loquitur hujusmodi.

SEM IN A R I U M.

S U M M A R I U M.

1. Ubi debeat constitui, seu fundari,
2. Qui recipi debeant, & quot.
3. Qui eius curam habere debeant.
4. Quid edoceri debeant scholares ibi commorantes.
5. Quibus introitus vivere debeant, & qui contribuere teneantur ad impensas dicti Seminarii.

6. An scholares possint promoveri in ordinibus sacris ad titulum Seminarii.

AD primum, sac. Concil. *sess. 23. cap. 11. in princ. de reform.* statuit, primò hujusmodi Seminarium erigi in qualibet Metropolitana, & Cathedrali, & Ecclesiis his majoribus, secundò, in amplis Diocesisibus unum vel plura, prout opportunum Episcopo videbitur. Tertio, ubi adeò laborat paupertas, possent Suffraganei convenire, ut in Metropolitana, vel provinciae commodiori loco, unum, vel plura collegia erigantur. Quarto, negligentes in erectione illius, possunt cogi, prout ibi, §. *quod si*, quia multae sunt Cathedrali, circa hoc negligentes, se excusantes ob paupertatem, & nolunt obedire huic decreto, ut conveniant cum Metropolitana saltem, sed ad hoc possunt compelli à dicto Metropolitanano, prout ibi, §. *quod si Cathedralium*, & saltem si hoc non possent, debeant constituere magistrum scholae, qui Grammaticam doceret, cum salario ex symbolis totius diocesis, prout à simili sac. Conc. disponit *sess. 5. cap. 1. §. Ecclesia verò, & §. ideoque de reform.*

Ad secundam. Primò, praecipue pauperum filii, nec divites excludantur, modò suo sumptu alantur, sint bonae indolis, ad minus habeant duodecim annos, sint nati ex legitimo matrimonio, sciant ad minus legere, & scribere, & promittant se perpetuò ecclesiasticis ministeriis inservituros, *ibidem*, §. *pauperum*. & hoc sub fideiussione securo, & pœna in casu contrarii, & sic vidi practicari in tribus Archiepiscopatibus, Beneventi, Surrenti, Complæ. Facit quod eleganter dicit Gl.

H h h in cap.

in cap. *omn* ex eo, in *ver. retrahere*, & ibi *Gemin. de elect. libro 6.* ubi dicit, de metere *Glossa* nota, quod prohibitum est studentibus expensis beneficiorum redire ad statum saecularem. Secundò, rot sunt recipiendi, quot ex pecunia ali, & tueri possint, quæ ex dimidia decima, secundam antiquam taxam, exacta fuerint, ita *facr. Cong. declarat. 246.*

Ad tertium. Primò Episcopi, & duo Canonici seniores & graves, quos Episcopus elegerit, curam habeant, ac sæpè visitent huiusmodi Seminarium, *ibidem, §. qua omnia*, & isti vocantur deputati communiter. Secundò, Episcopus singulis annis accipiat rationem reddituum Seminarii, præsentibus duobus à Capitulo, & totidem à clero Civitatis deputatis, *ibidem, §. rationes.* Tertio, illi deputati ab Episcopo pro educatione puerorum, non possunt mutari per eum, nisi pro iusta causa, *declar. 17. & declarat. 20.* dicit quod debent esse perpetui, licet amoveri possint ab Episcopo ex iusta causa. Quarto, isti deputati juxta Concilium debent esse duo, & per *declar. 19. & 20.* debent esse quatuor, sed hoc possit intelligi esse arbitrariū, quod *declar. 21.* dicitur debere Episcopum adhibere consilium illorum, non tamen teneri sequeretur consilium,

Ad quartum, Concilium *loco citato, §. ut verò*, Grammaticam, cantum, & computa, aliarumque bonarum artium disciplinam constituit, ut ediscant: vide *Staph. de lit. grat. fol. 34. & 35. à num. 13.*

Ad quintum. Primò, *ibidem, §. Quia*, disponit inter cætera per applicationem beneficiorum simplicium, & si Episcopus

post erectionem Seminarii beneficia simplicia vacantia non applicabit Seminario, sed familiaribus suis, vel consanguineis conferat, tantum de sua mensa Episcopali assignet Seminario, quoad vixerit, vel alia beneficia vacantia, saltem ejusdem valoris, & ad eius collationem spectantia eidem Seminario univerit, ita *facr. Congreg. declarat. 234.* similiter non potest unire affecta, seu reservata, si alia vacantia in mense suo simplicia, alteri contulisset, vel eandem factam non continuò enunciasset, ita *declarat. 474. & alia 152.* dicit: *Episcopus debet primùm ex sua & Capit. mensa contribuere Seminario, & postea cogere alios suo exemplo contribuere.* Secundò Domus Hospitalis sancti Antonii data in commendam, *declarat. 204.* Cardinales etiam debent contribuere eidem de fructibus beneficiorum, quæ habent in diocesi, ubi est Seminarium, *declarat. 220.* Tertio, & in summa omnes tenentur solvere, nisi qui nominatim excipiuntur à Concilio, *loco citato, declarat. 206.* Quarto, etiam gratia alicuius beneficii ratione introituum, quos ea habet ubi reperitur, ita *declarat. 188.* Secundò, sed si non adest ibi gratia, sed habet prædia, & alia bona, debent contribuere Seminario illius diocesis, ubi est Ecclesia, & non ubi sunt prædia. Faciunt, quæ dicit *Anchar. in cap. quia nonnulli num. 5. ver. ultim. quæro, de immunit. Eccles. libr. 6.*

Sextò, Confraternitates, & schola habentes redditus, etiam tenentur, *declar. 213.* è contra verò non. Septimò, legata facta pro magistro Grammatices, quia pueros pauperes doceat, applicari possunt Seminario cum onere erudiendi pueri.

eròs pauperes, sicut testator iussit, ita declarat. 296. Octavo, hospitalia data in titulum, vel administrationem, vel habeant beneficia annexa, vel redditus, vel proventus ecclesiasticos, etiam tenentur solvere, declarat. 242. secus verò non, & Inno. in cap. pastoralis. num. 2. de privileg. & in cap. à nobis, de decim. & sac. Cong. declarat. 162. censuit, taxam esse faciendam ad mediam decimam, & hoc si seminarium non fuerit erectum ante undecimam diem Iulii 1567. qui verò ante erexerint Seminarium, possunt exigere eam taxam, quam consueverunt exigere, ead. sac. Congreg. declarat. 205. & 218. in meis, & declarat. 174. censuit in hæc verba: *Bona quæ fuerunt applicata alicui collegio propter Christianam educationem miserabilium puerorum, si collegium sublatum sit, debent ea bona applicari Seminario, & declarat. 213.* censuit huiusmodi hospitalia, quæ non fuerunt data nisi in titulum, nec in administrationem, dummodo beneficia annexa, redditus aut proventus ecclesiasticos non habeant, Seminario contribuere non tenentur aliquo modo, & declarat. 521. censuit hoc modo: *Cler. Sem. non posse promoveri ad aliquem ordinem sacrum ad titulum ipsius Seminaris, nisi pro servitio beneficii uniti Seminario, & tunc cum assignatione certi annui redditus, unde sic promoti vivere honestè possint, quæ tamen assignat. cesset, postquam illi aliunde se equè sustentare poterunt, & declarat. 284.* ita decernit. *Confraternitates seu Schola, quæ nulla habent beneficia ecclesiastica annexa, nec redditus, aut proventus ecclesiasticos, nec debent Seminario contribuere, cæteravide in Add. majorib.*

Dubium 22. an Confraternitates, & Capellæ habentes redditus ecclesiasticos, tamen existentes intra Ecclesias Regularium, teneantur contribuere Seminario? Et videtur, quòd sic: quia Concilium loquitur generaliter de omnibus Capellis, & Confraternitatibus, & excipit Mendicantes, quoad suos, & introitus, &c. ita declarat. 177. Secundo videtur, quòd non, per Bullam Pii V. *quæst.* 38. Sed hoc non obstat, quia eam Greg. XIII. renovavit, reduxitque ad terminos iuris communis. *Bulla 15. fol. 1208.* & vidi solvere, & contribuere multis diocessibus, & ita tenendum: quia Concilium non excipit, & facit, quòd notat Rebuff. *in tit. quotuplex sit beneficium, num. 9.* ubi dicit, Capellas fundatas in monasteriis dici Regulares, nisi per sæculares teneri sint solitæ. Sed istæ confraternitates maiori pro parte gubernantur, & administrantur per laicos, & succedente interdum occasione aliqua, transferunt eas aliò, ergo subsunt huiusmodi solutioni, & contributioni, juxta sacri Concilii distributionem. Nondò, contribuere non tenentur Canonici de distributionibus quotidianis Seminario, si contribuunt ex fructibus suæ præbendæ, ita declarat. 175. Decimò, & qui solum habent quotidianas distributiones, non tenentur de illis contribuere eidem, ita declarat. 352. Undecimò, an teneat conditio ista, videlicet, quis fundat ius patronatus, cum nonnullis fructibus seu introitibus, ut non teneatur dictum ius patronatus, contribuere Seminario? Et videtur quòd sic, per *declar. sacri Congreg. 184.* & *Covar. in cap. iua, num. 6. de test.* Nec obstat

cap. iiii, qui intelligitur, quando testator non providisset negligentia executorum, ut ibi Covar. facit, quod notat Staph. de expect. fol. 182. & 183. de claus. Non obstantium. Duodecimo, respondetur ex declarat. 234. quod Episcopi, qui ante undecimum diem Julii 1567. Seminarium non erexerint, nihil eius nomine ultra dimidiam decimam relatum ad antiquam taxam exigant, quod idem dicit declarat. 246.

Ad Sextum, ead. Cong. declarat 180. ita censuit. Cooptati in Seminario collegium non possunt ordinari ad titulum Seminarium, nisi ob causam inferendi beneficio, quod forsitan esset ab Ordinario Seminario iunctum, vel ab alio.

S U S P E N S I O

S U M M A R I U M.

1. Quotuplex sit suspensio.
2. An suspensus à maioribus, sit etiam à minoribus exercitus, & e contra.
3. Discrimen inter suspensionem ob crimen, & contumaciam.
4. Quomodo absolvatur.
5. An suspensus propter aliquod delictum, si presumpserit celebrare (quia ob hoc incurrit irregularitatem) possit privari beneficio.
6. An suspensus ab administratione temporalium, ut spiritualium, si celebret, & an praelatus suspensus à Pontificalibus, vel à collatione Sacramentorum, si celebret, vel conferat Sacramenta, efficiatur irregularis, vide in ver. irregularitas. §. 18.
7. An Iudex Ecclesiasticus dicens alicui Sa-

cerdoti, Prohibeo tibi, ne celebret, consecretur eum suspendere, & consequenter, si celebret, hac stante prohibitione, efficiatur irregularis.

AD primum, est triplex, officii & beneficii simul, e. uarum, de privileg. officii tantum, vel partis eius, & beneficii, vel rei pertinentis ad illud tantum, exempla habes in gloss. magna, in ver. suspensi, in Clem. Cupientes, de poen. & Diaz. pract. crim. canon. cap. 122. Navar. cap. 27. num. 150. & infra.

Ad secundum respondetur, quod suspensus à majori ordine, non est suspensus ab inferioribus, ut suspensus à celebratione Missarum tantum, potest exercere alios ordines inferiores, vel suspensus à quibusdam actibus non est suspensus ab aliis, non connexis. Vide Rebuff. de Cler. ad sacerdot. mal. promot. gloss. 2. num. 7. ubi exemplificat in Episcopo, similiter aliquis est irregularis in suscipiendis, sed non in susceptis, & in eis potest ministrare, puta irregularis in Sacerdotio, potest ministrare in Diaconatu, puta per vitium corporis, Innoc. in cap. audientiam, num. 9. de homicid. Navar. ubi supra, num. 160. notab. 3. & num. 163. notab. 8. ver. 5. & Diaz. loco citato.

Ad tertium respondetur, quod suspensio ob crimen, vel ob contum. à benef. quomodo debeat provideri, vide & distingue cum Diaz. ubi supra, & Covar. libro 3. cap. 13. num. 1. & §. 9. num. 10. & infra, var. resol. & gloss. in cap. cum Vintoniensis, in ver. admiserant, de elect.

Ad quartum respondetur, quod absolvitur juxta formam absolutionis ab excom.